

鴻泥雜志

卷上

鴻

泥

雜

志

鴻泥
338
印二二二

鴻泥雜志自叙

天地之大品彙之繁怪怪奇奇何所不有如必以親身涉歷之區所見所聞筆之於書以爲良朋聚談之助則游覽所弗及耳目所不周者終屬茫然是何殊於以蠡測海以管窺天徒貽笑於大雅乎然而九州徧歷世有幾人書生不出戶庭眼光如豆一旦筮仕分符凡山川風土古今人物以及謠諺詩歌見所未見聞所未聞使不登諸編簡則過而輒忘幾與入寶山而空回者無異况萬里遐荒尤爲廣輿諸書所不及詳者哉余於甲申冬季奉

鴻泥雜志

序

命出守滇南渡黃河涉湘漢過洞庭由灘河抵鎮遠自鎮遠而南日日山行所見奇峯峭壁密箐深林苗夷之詭異花鳥之離奇不一而足至乙酉六月始抵滇省旋補麗郡麗郡居會城之西相距一千三百餘里界連川藏漢夷雜處其山川人物更有前人所弗及考核者幸其地僻事簡公餘之暇輒取道途所經及聞諸友人者抄錄成帙非敢借此以問世也異日萬里歸來重逢舊雨話邊疆之風景叙別後之游踪則於聯牀剪燭之餘以此編代吾口焉亦奚不可

道光丙戌長至後一日雪漁氏叙於麗署之雪印行窩